

Headline	Keluarga besar Nusantara		
MediaTitle	Harian Metro		
Date	25 Aug 2016	Color	Full Color
Section	Setempat	Circulation	1,270,667
Page No	18	Readership	3,812,000
Language	Malay	ArticleSize	398 cm ²
Journalist	Safar Ahmad	AdValue	RM 15,619
Frequency	Daily	PR Value	RM 46,857



Keluarga besar Nusantara



Jiwa mereka sudah sebatian dengan jemaah Malaysia, malah menyifatkan hubungan dengan jemaah ibarat sebuah keluarga besar.

Bagi pembantu petugas haji (PATUH) iaitu pekerja sementara yang diambil bertugas dengan Lembaga Tabung Haji (TH) setiap tahun, bertugas membantu urusan haji membabitkan jemaah Malaysia adalah pengalaman paling bermakna.

Mereka yang juga pema-tautin di Tanah Suci dan berasal dari rumpun Melayu Nusantara khususnya dari Indonesia dan Selatan Thailand mengakui sifat lemah lembut dan keramahan jemaah Malaysia menjadikan mereka seronok menabur bakti.

Hamdi Ismail Baheh, 39, antara 270 PATUH yang berkhidmat dengan TH berkata, walaupun dia bersama jemaah hanya sekitar 45 hari saja tetapi dia berasa seperti berada bersama keluarga sendiri.

"Bayangkan dalam tem-

poh musim haji ini kita tidur di bawah satu bumbung dan melakukan aktiviti bersama, rasa sangat rapat.

"Sebab itu ada jemaah yang sudah pulang ke Ma-

laysia pun masih hubungi saya bertanya khabar. Dengan kemudahan media sosial hari ini, kita dapat berhubung dengan lebih mudah,"-katanya yang memegang ijazah Sains Pengurusan, Universiti Islam Antarabangsa Malaysia.

Hamdi yang sudah berkhidmat sebagai PATUH sejak 16 tahun lalu berkata, tugasnya adalah menguruskan ketibaan dan keberangkatan jemaah haji Malaysia.

Katanya, di luar musim haji, dia adalah pengarah operasi untuk urusan ibadat umrah jemaah luar negara.

"Saya memulakan tugas sebelum jemaah tiba. Sebelum jemaah masuk, kami akan memastikan bilik penginapan berada dalam kea-

daan kemas dan teratur.

"Walaupun penat, tetapi kami bersyukur kerana mendapat tenaga dari Allah demi membantu tetamu Allah di Tanah Suci," katanya

yang berketurunan Melayu Pattani tetapi dilahirkan di sini.

Musrifah Bukhari, 32, yang berasal dari Surabaya, Indonesia, sudah lima tahun tinggal di sini dan bertugas sebagai PATUH di Pusat Kesihatan Syisyah iaitu pusat rawatan untuk jemaah haji Malaysia yang sakit.

"Saya memilih berkhidmat dengan TH kerana dapat membantu tetamu Allah," katanya yang bekerja di hotel di luar musim haji.

Mustofa Fathulbari, 58, pula adalah antara paling lama berkhidmat sebagai PATUH iaitu selama

26 tahun.

Dia yang bertugas di pusat kesihatan turut menyifatkan berkhidmat dengan TH adalah sesuatu yang amat berharga dan suka dengan layanan lemah lembut rakyat Malaysia.

Sementara itu, Abd Rahman Bayo, 40, berkata, TH haji banyak mengajarnya menjadi seorang pekerja yang baik.

Lulusan Universiti Al-Azhar, Mesir itu berkata, dia bersyukur dapat menjadi petugas TH sebagai PATUH sejak 10 tahun lalu.



Headline	Keluarga besar Nusantara		
MediaTitle	Harian Metro		
Date	25 Aug 2016	Color	Full Color
Section	Setempat	Circulation	1,270,667
Page No	18	Readership	3,812,000
Language	Malay	ArticleSize	398 cm ²
Journalist	Safar Ahmad	AdValue	RM 15,619
Frequency	Daily	PR Value	RM 46,857

■ **Pembantu
petugas haji
sudah sehati
dengan
jemaah kita**



DARI kiri Abd Rahman, Hamdi, Mustofa dan Musrifah ketika sidang media.